

## РОМАНО ККАМИПЕ

Сов, налетоне бижангали. Ромалдани ккамютни!  
Сов, гиявдиме лалеса лажавутно ту любов романи,  
русалко матие, палал о халипири дило  
машкар о булутя андо черия... Нерньов!

Каске, ппутерес те пескесане вудара интимна?  
Потайме халайнко, деянимнаса девлематно?  
Каске слугувинес, подес сомналутно пиibe?  
Соске дишинес, живинес андо суно ююкло?  
Коркори тут, тери ръгия, ти бах апракас явно...

Каске, дес ппандиба о девлане вудара явине  
машкар булутя ан о черя? Ан о авго тернипе слечнинен,  
висинен ччаве! Ппенес кана биянде риконоре, пиен чучи шариме  
мирикле упрал колин емишяно, тутуциме.

Ангели ли, калаищинел ан о прахани или глутница бохолячя...  
Саве ккелен, упрал ппагерде паран-парчедес катар и пири,  
чучарди девлане ворбендар, ккойняли кнъла.  
Ужли синян, барикани те деянинес чалайба, мариба чуковиенцар катар  
о Вулкани...  
Дециматя къздиме, авелипани океаненгоро... Е дошаке...  
Евакири потомка, умрендиме катар о сап е девлетяне ппабаясар...

Сов! Палал и Голгота нанай мимори, каили те галинел торо викиба,  
пища.  
Нанай леня цибриндале, ни ладиес венецианска жаутне пливимнаске,  
ни па паметники, ни па корона, саде ек си - каре, лалес пусендар-  
ппусавно...  
Елпиня... Сапне, обречиме катар то диригенти космикано  
бичалдо, хрисимо те бижанде ппувятар, аздинел грас, сар  
анчи мериматно, хапи неве патимнаске, страдиба...  
Тетикесте синян сценате чорори, нанай тут кумири.  
Гюли, сунгаса-девлани, карематно!  
Корениенца кушле! Тетикесте синян, ккурми!

Тай кити да те мангес те гаравес о синьо, катар о марибе,  
думукендар...Ратвале... Те маккес маккибе тай те мангес  
те бахтаса те овес йек, ратвале вуценца катар о каре  
батиме тай андо маса есмеряне, ан о ило раненца, ярес  
коримнастар, молибатя - чужда, домане е пенимнаскере  
вогеске службес, нанай те дел тут ями о къртори торо -  
розаво ябанжис, те дехес лес би асвенгоро. Нанай, нисар!